

## 全港詩詞創作比賽 填詞

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十四屆全港詩詞創作比賽」，已是第十二度的「填詞比賽」。比賽分學生組及公開組，評審委員分別有何文匯教授、陳煒舜教授及鄧佩玲教授；陳志清教授、黃坤堯教授及劉衛林教授。

今屆比賽的詞牌為〈江城子〉，題材則由參賽者自定。是屆的參賽者非常踴躍，共收到六百多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程採用糊名方式進行。評判團更約見了學生組入選參賽者，並要求入選者即席對聯，才定出優勝作品。

## 學生組

## 冠軍

黃啟深 香港中文大學

江城子 憶父

邇來花落總傷神。  
酒慵溫。悵移雲。眊  
裂酸風。泫淚灑孤墳。  
指點新阡猶萬里。  
愁月夜。恁寒霧。  
吟箋幾度賦招魂。  
病殘身。聲音頻。怕  
舉燈檠。燭燭擾青磷。  
每忍伶俜延望久。  
難寄夢。到黃塵。

## 亞軍

梁采珩 浸信會呂明才中學

江城子 詠鄭旦

苧蘿村落浣紗溪。  
想當時。有誰知。一  
夕吳王。眼裏出西施。  
從此沈魚專美矣。  
憐病影。詠仙姿。  
伊生何早我生遲。  
古傳奇。忒迷離。山  
色空濛。史海自無涯。  
便似東坡都未解。  
妝洗淨。始相宜。

## 季軍

楊惟健 聖馬可中學

江城子 春節訪萬山群島，五零年於此有國共海戰

伶仃外島雨飛濛。  
掣東風。闖天穹。漁  
港孤懸。南海瘴煙中。  
似映當年龍戰血。  
涯岸碧。浪聲雄。  
瑤魂怎認舊痕蹤。  
樹蔥蘢。酒旗紅。迎  
客招財。驚見勢頭洶。  
回首灘前埋骨地。  
應恨記。動兵戎。

## 優異獎

尹孝賢 嶺南大學

社區學院

江城子

夢餘珊枕暖檀痕。  
憶人人。最銷魂。柳  
陌東風。芳草綠羅裙。  
記得當時三五夜。  
堪翦月。半貽君。  
問今何樹繫行雲。  
念前塵。事如新。幾  
伏樽旁。酒醒復愁醺。  
縱有千言無話說。  
安體素。別休論。

林浚灝 皇仁書院

江城子 文憑試

主修科暨選修科。  
內容多。莫蹉跎。暮  
讀燈前。自勉復悲歌。  
但願他年能遂志。  
猶古柏。勢嵯峨。  
每聞評卷有偏頗。  
似殘荷。任風搓。縱  
使倖存。醜鴨豈天鵝。  
睇視路人皆博士。  
升大學。又如何。

張瑞芬 香港樹仁大學

江城子 感懷

涼風弦月小樓東。  
意朦朧。響疏鐘。未  
卸殘妝。零落鬢髮鬆。  
酒入愁腸還醉醒。  
春夢斷。玉壺空。  
擬將音信託歸鴻。  
盼重逢。濕花容。滴  
損相思。重寫卻辭窮。  
奈得歡期成一瞬。  
窗漸白。太匆匆。

## 優異獎

趙曉昱 香港中文大學

江城子 客江南—春

榴紅柳綠雨新晴。  
數鶯鳴。小亭橫。渺  
渺煙雲。不見遠山傾。  
細草年年枯復潤。  
今又是。一年青。  
流光易度不堪驚。  
此離情。也難平。猶  
憶當時。窗下一孤燈。  
今日不知何處往。  
春去也。問歸程。

鄭智文 香港樹仁大學

江城子 上庠謝師宴後作

吹寒夕日是微風。  
喚秋蛩。放丹楓。驟  
見春華。從此不從容。  
四月花隨流潦去。  
人物動。雨朦朧。  
數年都付夢回中。  
此相逢。便西東。一  
笑依然。酒靨透芳紅。  
只是年年榆莢雨。  
君與我。已非同。

## 特別獎

黎健圖 東華三院吳祥川

紀念中學

江城子

紅檀醉夢沁清香。  
墨仍忙。手中章。朝  
讀春秋。黃夜讀陰陽。  
未曉清晨還向晚。  
華氣盛。附荷裳。  
騷情賦骨寄柔腸。  
為誰妝。有情郎。貽  
厥孫謀。雋永又流長。  
難得三生開卷趣。  
今夜月。再添觴。

龔純正 裘錦秋中學(元朗)

江城子 馬航客機失蹤

人間福禍總無常。  
夜茫茫。覺哀傷。觸  
目揪心。寒夜盼回航。  
何處飛來雙白鷺。  
人不見。獨徬徨。  
未知生死隔陰陽。  
淚千行。染衣裳。舊  
日感情。無奈總思量。  
杜宇聲聲啼到曉。  
如訴說。莫相忘。

冠軍

王錦洪

江城子 蝸居紀實

老夫慚愧住劓房。  
上無梁。側無窗。檐  
隙炎風。爭肯送微涼。  
夾板新修纔五尺。  
閒作案。倦為牀。  
夜來淫雨忽浪浪。  
濕巾箱。透泥牆。交  
響環迴。千滴落盆缸。  
且喜簞瓢炊未斷。  
雖僻陋。又何妨。

亞軍

范逸文

江城子 苔痕

連宵新雨活蝸涎。  
繞牆邊。遍階前。篆  
字迴紋。沾露寫蠻箋。  
點染春心知幾許。  
憑寄與。倩誰傳。  
荒園泥濕屐痕鮮。  
綠芊眠。且流連。暈  
碧鋪青。蕚徑鎖寒煙。  
夢裡繁華都換了。  
渾不似。那幾年。

季軍

潘少孟

江城子 秋柳

金風颯颯拂長條。  
任摧搖。向殘宵。酒  
醒江干。離合湧心潮。  
折贈當年曾記否。  
珍重處。灞陵橋。  
疏枝敗葉望秋凋。  
意無聊。恨難描。怕  
上高樓。觸景想丰標。  
入目遊絲人似夢。  
徒引領。路迢迢。

優異獎

李裕韜

江城子 過瞎子阿炳墓

墓門寥落景蕭然。  
野蒿環。碣文殘。弔  
客青蠅。厄酒酌墳前。  
幾閱遺音憐破瑟。  
還觸緒。涕汎瀾。  
替眸風燭步蹒跚。  
病相煎。窘飢寒。鬻  
技飄零。巧命咽危弦。  
松籟清冷如薤露。  
今夜月。映幽泉。

吳榮彬

江城子 重陽

風中紅葉任飛翔。  
菊花黃。桂花香。似  
水天涼。白露降西窗。  
雲淡煙疏秋氣爽。  
新月冷。映橫塘。  
流光瞬逝又重陽。  
念高堂。動愁腸。吹  
笛因誰。裊裊演清商。  
暮節登臨空望遠。  
思兩弟。客他鄉。

陳偉祥

江城子 台灣相思

清明十日映山黃。  
曉推窗。滿庭芳。小  
蕊星繁。陣陣吐幽香。  
每屆相思花怒發。  
春漸晚。日添長。  
年年節序過如常。  
挽流光。笑無方。靜  
對晴嵐。冉冉落斜陽。  
歸鳥噪林猶喚我。  
須慢活。共徜徉。

優異獎

黃以芍

江城子 詠雨

濛濛忽見罩千山。  
遠漫漫。近潺潺。化  
作清流。一去便無還。  
剩得殘煙和斷霧。  
勾畫出。意闌珊。  
無聊飄蕩白雲端。  
一團團。任風翻。時  
令裏王。襟袖點輕斑。  
濕透垂楊金縷重。  
猶悄悄。滴欄杆。

鍾一暉

江城子

蛙聲三兩板橋東。  
草青蔥。柳絲濃。幾  
樹桃花。更比去年紅。  
只是故人千里外。  
誰與共。負春風。  
倚欄無語對空濛。  
嶺千重。靄雲中。曾  
悔當初。逐浪寄萍踪。  
怎似呢喃梁上燕。  
家數口。樂融融。

特別獎

方富永

江城子 思友

月移花影到窗前。  
夜難眠。夢相牽。湖  
海飄蓬。何事阻歸鞭。  
翹望雲帆天際遠。  
思悄悄。意綿綿。  
幾回酬唱賞芳妍。  
倚欄邊。興悠然。佳  
約當年。瞥眼已成煙。  
塵世滄桑添百感。  
憑過雁。寄鸞牋。

羅裕安

江城子 讀《左傳》有懷

風雲際會展春秋。  
井田休。漸荒丘。父  
子君臣。禮樂亂崩流。  
染指中原曾問鼎。  
書卷合。夢東周。  
古來賢聖志難酬。  
雁群啾。稻梁謀。魏  
闕江湖。進退總懷憂。  
政順人和真道遠。  
民本務。獻新猷。

\* 優異獎及特別獎排名按姓氏筆劃序

第二十四屆

全港詩詞

創作比賽

填詞

獲獎作品